



Universitätsbibliothek Paderborn

Instructio practica ...

De Munere Concionandi, Exhortandi, Catechizandi - Continens non tantùm praecepta ad artem concionandi discendam accomodata, sed etiam Ideas & Conceptus practicos pro Concionibus in Festis B. V. & SS. Dedicacionis, Patrociniij, Novi Anni, Paschatis, Parasceves; item in Primitiis Sacerdotum,

...

Lohner, Tobias

Dilingæ, 1679

Alij Conceptus.

[urn:nbn:de:hbz:466:1-48347](https://nbn-resolving.org/urn:nbn:de:hbz:466:1-48347)

cinium hoc eo fervore & alacritate peragite, ac si hodie primum hoc templum ædificatum, & sanctus N. in Patronum vobis assignatus esset. Date ergo operam, ut suprà explicata tria capita tantò ferventiùs erga ipsum observetis, quantum plura ex illorum observatione commoda jure merito potest sperare. Sic ille quoque vicissim omnia Patroni erga vos officia sedulò implebit, & tam vos, quàm Domesticos vestros Pecora, & agros ita custodiet, ut vitam vestram feliciter Christianè transigere, ac claudere, & cum eodem jucundum Festum in omnem aternitatem celebrare possitis. Amen.

Alii Conceptus.

I. Potest etiam non inutiliter Patronus Templi Salvaguardiæ, ut vocamus, comparari. Et 1. quidem beneficium hujus magnitudo ostendi, tum ex dignitate & affectu illius, qui dedit talem Salvaguardiam; tum ex qualitatibus illius, qui datus est, quòd nempe *possit* ob robur extraordinarium à DEO concessum: *sciat* ob miseras nostras, & modum juvandi in & per DEUM cognitas; & *velit* defendere eos, qui custodia suæ sunt commissi, utpote quos velut Fratres & Cohæredes summè diligit: Tum ex fine, propter quem datur talis Salvaguardia, scilicet ut à sævissimo hoste corporis & animæ interitum moliente, & bonis temporalibus atque æternis privare satagentè per eam defendamur. In 2. parte ostendatur, quæ vicissim à Parochianis obsequia tali Salvaguardiæ præstari debeant; videlicet 1. ut cum magna benevolentia, gaudiòque suscipiatur, in Patronum eligatur, promptè ad obsequia animus ostendatur. 2. Ut nihil committatur, quo graviter offendi queat. 3. Ut Victus quotidianus diligenter offeratur, id est, certæ preces quotidie ad ejus honorem recitentur (mirè enim Sanctos demeretur modica, sed fervens & constans oratio, ut patet in milite flagitioso quotidie unam salutationem Angelicam recitante, & quatuordecim annis à Dæmonis sub servi forma eidem servientis & insidiantis machinationibus defensi) sed & ipsa opera nostra quotidiana post DEI, Christi, & B. V. gloriam ad ipsius honorem ordinentur. 4. Ut subinde gratior ei recreatio vel convivium instituatur, id est, Festus ipsi dies vel alius confectio, Communionem, meditationem de ipsius vita, recitationem

Officii divini aut aliarum precum, generosaque sui victoria in quocunque genere celebretur. 5. Ut periculo imminente cum magna fiducia invocetur, & in aliis quoque necessitatibus consilium, auxiliūque illius frequenter expetatur. 6. Ut agnoscantur beneficia ipsius grato animo, ipsaque etiam gratia frequenter, imò quotidie persolvantur.

II. Potest ex occasione illorum Verborum 2. Mach. 15. *Hic est Fratrū amator, & Populi Israël: hic est, qui multū orat pro Populo, & universa sancta civitate:* Patronus Templi Advocato in bonum totius Parochiaē constituto comparari. Et 1. ostendi, quā praeclarus & potens sit Advocatus; tum quia DEI, apud quem pro nobis intercedere debet, summus, summēque dilectus amicus est: tum quia merita sua praeclara velut potentissima motiva & argumenta affert: tum quia Clientes suos singulariter diligit, illorūque causas non aliter, ac si propriae forent, in Curia caelesti pertractat: tum quia modico paucorum obsequiorum salario contentus est. 2. Potest ostendi, quid Auditores erga talem Advocatum observare debeant, videlicet, ut magnam de ipso aestimationem & fiduciam habeant: Ut causas suas & necessitates ipsi fideliter explicent, & commendent: ut quocunque exitu sint contenti, & si non obtineant, quod petunt, non desistant à fiducia erga ipsum concepta, sed credant, se melius quid impetrasse: Ut salarium debiti cultus diligenter ac fideliter suo tempore persolvant, gratiasque etiam ore tenus crebrò & ferventer agant.

III. Potest etiam ex occasione thematis: *Ite ad Ioseph, & quidquid ipse vobis dixerit, facite:* Gen. 41. Patronus Templi, Pro-Regi summi Regis, id est, DEI comparari. Et 1. ostendi, quomodo respectu totius Parochiaē perinde Prorex à DEO sit constitutus, sicut Ioseph toti Aegypto praepositus est; & quòd proinde eadem fidelitate ac providentiā alimentaria necessaria sit provisorus, quā Iosephus Aegypto prospexit. 2. Pariter ostendi potest, quòd sicut olim Pharaō ijs, qui frumentum perebant, dixit: *Ite ad Ioseph &c.* ita & DEUS modò velit, ut in suis necessitatibus Parochiani ad hunc suum Patronum confugiant, & quidquid ipse dixerit, faciant. 3. Ostendatur, quid ipse potissimum dicat, & praecipiat, nimirum id, quod olim Iosephus Aegyptiis Gen. 47. dixit: *Quin-*

nam partem Regi dabit (nempe gloriam & honorem, de quibus dixit: *Gloriam meam alteri non dabo*) quatuor reliquas permitto vobis in sementem &c. Excitentur proinde, ut tanquam iustæ & propitiæ DEI voluntati pareant, ad hunc Proregem cum magna fiducia confugiant, & quintam suorum laborum & fructuum partem, id est, gloriam DEO fideliter offerant, reliquas quatuor, id est, necessaria ad corporis & animæ sustentationem tantò liberaliùs accipere mereantur juxta illud Ecclesiæ in Hymno Corporis Christi: *Sic nos tu visita, sicut colimus.*

IV. Potest ex occasione illorum verborum Tob. 5. *Peregrine, & inquire tibi aliquem fidelem virum, qui eat tecum saltem mercede sua*: Ductori comparari. Et 1. ostendi, quòd omnes hac in vita Peregrini simus, & exules ad Patriam nostram tendentes. 2. Pariter ostendi potest, quàm periculosum, & arduum sit hoc iter, quàmque adeò meritò bono & fido Ductoris opus habeamus. 3. Probari potest, quomodo omnes boni Ductoris qualitates Patronus Templi contineat, præcipue quòd viam nobis ad Patriam nostram non tam verbis, quàm factis præeundo ostendat, id quòd aliquot celebriorum factorum narratione confirmari potest. 4. Ostendi potest, quàm mercedem petat pro sua hac charitate, eam scilicet, quàm olim Raphaël ab utroque Tobia c. 12. petijt dicens: *Benedicite DEVM, & narrate mirabilia eius.* Excitentur proinde Auditores, ut diligenter inspiciant vestigia hujus Ductoris sui, eisque intrepidè succedant, & petitam ab eo mercedem fideliter offerant.

V. Potest ex occasione sententiæ à DEO olim ad Moysen prolatae Exod. 25. *Aspice, & fac secundum exemplar, quòd tibi monstratum est*: ostendi, quòd DEUS Patronum Templi Parochianis velut exemplar vitæ rectè instituendæ propoluerit. Unde breviter narrari potest vita illius, simulque ostendi, quomodo eum in præcipuis virtutibus & actionibus imitari debeant, quàmque hæc imitatio ipsi quidem Patrono grata, Parochianis verò honorifica, utilisque sit futura.

VI. Potest dici, esse quosdam Doctores ejus opinionis, quòd quibusdam Sanctis ex speciali favore duo Angeli Custodes sint dati. Quidquid autem sit de veritate hujus sententiæ, adhuc tamen in alio sensu verissimè affirmari posse, dicitur

cuius Homini in certa Parochia degenti Custodes esse concessos, Angelum scilicet, & Hominem, illum videlicet Sanctum, qui, uti Templi, ita & omnium Parochianorum Patronus & Custos est, unde sicut, teste S. Bernardo in Pl. Qui habitas, mira dignatio & verè magna dilectio charitatis est, quòd Angelis suis mandaverit, ut custodiant Homines in omnibus viis, ita similis quoque æstimatio beneficij illius, quo alterum nobis Custodem, Patronum videlicet Templi attribuit, concipienda est. Deinde verò sicut SS. Angelis Custodibus idem S. Bernardus jubet tria officia seu obsequia exhiberi, reverentiam scilicet pro præsentia, devotionem pro benevolentia, fiduciam pro custodia, ita hæc eadem etiam erga S. Patronum Templi observanda sunt, id quod copiosius partim ex cit. S. Bernardi sermone, partim ex natura singulorum horum obsequiorum demonstrandum est.

C A P U T V I.

Quomodo Conciones in primitiis Neomystarum institui debeant.

Thema.

Simile est Regnum cælorum homini Regi, qui fecit nuptias filio suo. Matth. 12.

Scopus.

Dignitas & officium Sacerdotis Explicanda; Et quid à Laicis ipsi debeatur, ostendendum.

Syllogismus principalis.

Dignitas summa requirit in possidente magnum virtutum apparatus, & in aliis magnam Reverentiam; At qui Sacerdotis dignitas est summa, Ergo &c.

E X O R D I U M.

Dum hodiernam festivitatem considero, omnia videntur nuptiis simillima; nam sponsus est Christus, sponsa anima Sacerdotis, choraules Angeli, Hospites SS. Trinitas & Cælestes cum hominibus præsentibus, Convivium Eucharistia, salus de Laico in clericalem statum, de infima ad summam dignita-

Q5

gnita-